

## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

§. I. Refertur ac refellitur singularis cuiusdam Recentioris sententia

---

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

ignarus dubiter an aliquis actus licitus sit, A potest consulere Parochum, vel Confessarium, aut alium virum doctum ac probum, & tutam conscientiam ejus consilium & resolutionem sequi, juxta illud Deuteron. 32. Interroga Patrem tuum, & annuntiabit tibi, Majores tuos, & dicent tibi. Unde Albertus Magnus relatus a D. Antonino i. p. tit. 3. cap. 10. §. 10. hæc scribit: Frater simplex, vel quilibet homo, cum salute potest sequi in consilio quamcumque opinionem voluerit, dummodo alius Doctor magni opinionem sequatur. Et Joannes Major in prol. 4. sent. si habet: Mercator autem & rudis nescit inter eorum opiniones discernere, qui rationabilis loquuntur, sed sufficit ei credere doctis afferentibus, qui nolunt seipso damnare, sed cupiunt prodefere, & bene dicere. Ergo unius viri docti & probi authoritas sufficit ad reddendam opinionem aliquam in materia morum probabilem.

Respondeo, concessio Antecedente, distinguendo Consequens: Sufficit ad reddendam opinionem aliquam probabilem simpliciter & absolute, nego: secundum quid & respectivè, respectu scilicet alicuius particularis idiotæ & ignari, concedo. Nam ad probabilitatem illam respectivam, non solum unius viri docti & probi authoritas, sed etiam unius rusticæ aut mulierculæ testimoniū interdum sufficiere potest: si enim puer aut puerilla rustica dubitat an aliquid licitum sit, & Parochum aut Confessarium adire non valeat, potest interrogare parentes, & eorum consilium tutam conscientiam sequi; quia licet eos forte tunc errare contingat, puer ac puerilla eis obtemperans ratione ignorantia invincibilis, excusatitur à peccato, ut articulo sequenti patet. Unde quando queritur, an unius viri docti & probi authoritas sufficiat ad reddendam opinionem probabilem, non est quæstio de probabilitate respectiva & secundum quid, sed de absolute & simpliciter tali, quam non solum idiotæ & ignari, sed etiam docti & sapientes, tutam conscientiam sequi possint.

Ex dictis hactenus facile intelliges, laxiores Probabilistas vix posse excusari à tribus peccatis ad quæ homines inducunt. Nam primò eos amovent à studio veritatis, dum ex delectu minima probabilis, illos docent se & tari quæ minus ad veritatem accedunt. Secundò ab odio peccati super omnia detestandi retardant, dum eos periculo Deum offendendi exponunt. Tertiò à rebus efficacioribus consequenti falsum eos elongant. Atque his tribus tulisis, quibus Christus summe gloriatur, in Evangelio, dum ait: Ego sum veritas, via & vita, se validè opponunt. Nam ut veritas, vult nos ab errore quæ possumus diligentiam recedere. Ut via, operat nos ab omni specie peccati abstinere. Et tandem ut vita, cupit nobis remedia efficacissima ad turpia vitanda exhibere: haec de cattifal videtur in mundum istum advenisse, ut vitam abundantius habeant. Ut eleganter ait P. Vincentius Baronius in sua Theologia moralis adversus laxiores Probabilistas.

## ARTICULUS VII.

Anprobabile falsum, quod invincibiliter creditur esse verum, a peccato excusat?

Probabilitatum monstrat, & novorum Casuistarum laxitates, præcedentibus articulis confutavimus: hic nobis cum Jansenianis pugnandum est, ipso & quaque excessus in materia de probabilitate, ex D. Augustini, & Angelici Doctoris principiis corrigendi & amputandi sunt, ut veritas, quæ telle Novatianæ, inter duos errores, ut Christus inter duos latrones, media pendat; clarus elucescat, & de utriusque Adversarii gloriose triumphet. Unde sit

## §. I.

Reservatur ac refellitur singularis cuiusdam Recentioris sententia.

**Q**uidam Recentior, sib nomine Wilhelmi 217 Wendrochii Salisburgensis Theologi, in dissertatione Theologica de probabilitate quam ad calcem quintæ Epistolæ Ludovici Montaltii subjecit, singularem & improbabilem habet de probabilitate opinionum sententiam. Existimat enim nunquam licere uti opinione probabili, nullumque probabile falso, & à lege externa discordans, excusat à peccato, et si talis falsitas, & cum lege divina contrarie, invincibiliter ignoratur: quia (inquit) licet ignorantia invincibilis juris positivi à peccato excusat, non tamē ignorantia invincibilis juris naturalis; cum hæc ut pena peccati originalis, non verò illa.

Hæc opinio non minus displaceat quam prædens, que omnem probabilitatem, quantumvis tenuem, ad restitudinem humanorum actuum sufficere putat, & sententiam minus probabilem, in concursu probabilius, eligi posse existimat: sicut enim hæc recentiorum Casuistarum assertio jugum Christi nimis emollit, & pulvilli, seu cervicalia sub capite hominum ponit, ut mollii in suis negligentiis dorminent & quiescent; ita & illud Janseniorum dogma plus & quo illud exasperat, & pharisaico more, onera humeris hominum imponit importabilia, duramque nimis ac inevitabilem in eos invehit peccandi necessitatem. Unde sapienter ait Illustrissimus D. de Marinis, Avenionensis Archiepiscopus, in Commentariis quæ nuper edidit in 2. partem Summae D. Thomæ quæst. 19. art. 6. cap. 6. in fine: Theologus ad recte in hoc arduo negotio incendum, in rebus moralibus, moralem & non mathematicam certitudinem requirat, & unam ab altera discernere solet, juxta advertentiam Cajetani in sua aurea Summula, dum de opinionis usi licito & illicito loquitur. In quo quantam capere possumus, aliqui qui nostris temporibus scripserunt, salvâ pace, hallucinari videntur; volentes enim interdilectionem certe aliquorum in hac parte licentiam repellere, ad alium extremum, zelo transferti declinant. Ut ergo huic prudenti consilio obtemperemus, & non minori studio & cautela Janseniorum excessus, quam novorum Casuistarum laxitates devitemus:

Dico primò: Dum homo tenetur operari,

Qq

potest

potest sequi sententiam probabilem, si facta sit sufficienti diligentia, tunc alia probabilius ei non appareat. Ita communiter docent Theologi, post D. Thomam quodlib. 3. art. 13. in argumen-

to sed contra, ubi sic ait: Si aliquis adhibet diligentiam, inquirens an habere plures prebendas sit licetum, nec inventit aliquid quod ipsum moveat ad hoc quod sit illicitum, videtur quod sine peccato plures posse habere prebendas.

Ratio etiam id suadet: Homines enim debent operari humano modo, nec possimus eos obligare ad hoc quod omnium rerum habeant claram & perfectam notitiam: Dum ergo facta sufficienti diligentia, iuxta conditiones rei & persona, aliud probabilius non appareret prudenter operatur homo, conformando conscientiam suam opinioni probabili.

220 Confirmatur & magis illustratur hæc ratio ex Cajetano in Summa, verbo *Opinio*, ubi sic habet: Non exigit Deus ab homine plus quam conditio hominis habet: quia divina sapientia disponit omnia suaviter: Sed hominis conditio habet, ut in rebus moralibus non possit assequi omnium evidenter, nec habere certitudinem mathematicam, seu exactam & perfectam omnium agibilium; ipsum enim exactum non est in omnibus simili modo rationibus flagitandum, inquit Aristoteles 1. Ethic. cap. 3. præsertim in moralibus, quia ut dicit Divus Thomas in cap. 1. lib. 1. Ethic. Materia moralitas est, quod non est ei conveniens certitudo, mathematica scilicet & perfecta, sicut rebus physicis & metaphysicis: Ergo Deus non exigit ab homine, ut semper cum evidenter & certitudine mathematica de bonitate morali sua actionis operetur, subindeque potest sequi sententiam probabilem, dum facta sufficien-  
tia diligentia, alia probabilius non appareret. Unde videmus, Summos Pontifices in regimine Ecclesiæ, putat in dispensationibus concedondis, interdum ut probabilibus sententiis, cum ipsis veritas perspecta non est, & similiter Reges in administrandis regni negotiis, & Judices tam Ecclesiasticos quam civiles, in dirimendis litim nodis, juxta regulam illam juris supra exposita, quæ præcipit ut in opinionem probabilium conficiat, quod verisimilius est preferatur, & ubi sunt opinione discordes, Index sequatur communem. Denique Salomon in judicio illo celebri, quo judicavit infantem, à duabus mulieribus sibi oblatum, esse dividendum, conjecturis tantum probabilibus ducebatur; & tamen Scriptura ejus sapientiam & equitatem mirum in modum extollit. Quod non leve argumentum est, prudenter operari homines, sequendo opiniones probabiles, cum facta sufficienti diligentia, non possint habere claram & perfectam veritatis notitiam, & tunc non occurrit alia probabiliore & tutioris sententia.

221 Dico secundò, cum qui operatur ex opinione probabili falsa, & legi divinae contraria, quam invincibiliter putat esse veram, & legi divinae conformem, à peccato excusari. Ita communiter docent Scholastici cum Magistro in 2. dist. 22. & cum D. Thoma 1. 2. qu. 76. art. 3. ubi docent ignorantiam invincibilem excusare à peccato. Unde Lutherus in cap. 12. Genesis: Scholastici (inquit) dicunt invincibilem ignorantiam reddere excusabiles: TANTA CÆCITAS EST IN PAPÆ SCHOLIS ET ECCLESIIS.

222 Probatur primò conclusio ex SS. Patribus,

A qui passim docent ignorantiam invincibilem excusare à peccato: Chrysostomus enim homil. 13. in Epist. ad Roman. ait: Neminem unquam ignoranter peccare: qui enim peccaverit, indignus sit que esset qui panas daret. Et D. Augustinus in libro de natura & gratia contra Pelagianos scripto cap. 57. & lib. 3. de libero arbitrio cap. 19 non ibi (inquit) deputatur ad culpam quod invenit ignorans, sed quod negligens querere quod ignoras. Neque istud ad primum hominis peccatum trahi potest: cùm hæc verba adhibeat, ut hominum querelas compescat, qui ex ignorantia quam ex Adamo hereditariam accepimus, expostulant. Atque hoc sensu eadem verba à Theologis omnibus accipiuntur, post S. Thomam quæst. 7. de potentia art. 7. ad Q. ubi sic habet: Dicendum quid ignorantia, quæ est omnino involuntaria, non est peccatum. Et hoc est quod Augustinus dicit: non tibi imputatur ad culpam, si invitus ignoras; per hoc autem quod addit, sed si seire neglexeris, dat intelligere quod ignorantia habet quod sit peccatum, ex negligentia precedente. Item D. Augustinus tract. 89. hæc verba Joan. 15. exponens: si non reniveris, & locutus es sis, peccatum non habebis, ait: Ilos ad quos Christus non venit, & quibus non est locutus, excusationem habere, non de omni peccato suo, sed de illo quo in Christum non crediderunt. Similia habet Divus Bernardus Epist. 77. dicens: si locutus fuisset, sed non ei, inobedientia culpam ignorantia excusaret. Denique Augustinus lib. de questi. veteris testamenti, relatus à Gratiano in decreto dist. 37. sic ait: Ille ignorans potest excusari pœna, qui à quo disceret non inventit. Ubi glossa hæc verba: Potest excusari à pœna, sic interpretatur, Id est, à peccato pro quo debetur pœna, vel à pœna eterna.

Probatur secundò conclusio, ex illo trito & usc. communi Philosophie moralis principio: Nemo peccat in eo quod vitare non potest. Quod D. Augustinus in libro de duabus animabus cap. 11. usque ad eum esse notum & per se manifestum assertit, ut non solum à nemine ignoretur, sed & infuper à toto genere humano canetur & clametur: Nonne (inquit) ista cantant & in montibus Pastores, & in theatris Poëte, & in docti in circulis, & docti in bibliothecis, & Magistri in Scholis, & Antiphites in sacris locis, & in orbe terrarum genus humanum? Probatur, inquam, conclusio ex illo trito & communi effato: quis enim magis necessariò peccat, quis culpam vitare minus potest, quam qui invincibiliter & sine propria culpa ignorat divinæ legi prohibiti quod facit; quicquid ita animo comparatus est, ut si id malum esse suspicatur, continuo omitteret? Quid, inquam, potestatem non peccandi longius removet quam ignorantia invincibilis, quæ cognitionem ad vitandam culpam necessariam tollit, & mentem quæ voluntati ad agendum faciem præferre debebat, omnino excusat? Id non solum ratione naturali manifestum est, sed etiam ex Jansenii principiis constat: ille enim libro de gratia Christi cap. 36. fatur id duntaxat esse in potestate, quod sit à voluntate cum plena advertentia rationis, adeoque ex eius mente, ignorantia quæ aliquid penitus nescitur, impedit quominus illud sit in nostra potestate. Unde uolter Medina 1. 2. quæst. 76. art. 2. recte observavit: Idcirco ignorantiam invincibilem non imputari homini ad peccatum, quid nemo obligetur ad impossibile.

Tertiò suadetur conclusio ex D. Thoma 1. 2. 224 quæst.

## DE OPINIONVM PROBABILITATE.

307

quest. 90. art. 4. ubi sic discurrit: Ad hoc quid lex virtutem obligandi obrineat, quod est proprium legis, oportet quod applicetur hominibus qui secundum eam regulari debent: talis autem applicatio sit per hoc quod in mortuum eorum deducitur ex ipsa promulgatione: unde promulgatio ipsa necessaria est ad hoc quid lex habeat suam virtutem: Sed promulgatio legis naturalis sit per dictamen rationis, intimantis homini ea quae lege natura præscripta aut prohibita sunt: Ergo cum deest tale dictamen (ut contingit in illis qui ignorantia invincibilis iuris naturalis laborant) lex natura non obligat ad eius observationem; subindeque ignorantia juris naturalis à peccato excusat.

25 Probatur quartò conclusio ratione fundamentali, illud excusat à peccato, quod tollit ab actu rationem voluntarii, redditique illum simpliciter voluntarium: Sed omnis ignorantia invincibilis hoc præstat: Ergo omnis ignorantia invincibilis à peccato excusat. Minor est certa, & exp̄s docetur à D. Thoma 1. 2. quest. 6. art. 8. ubi loquens de ignorantia antecedente & invincibili, ait quid talis ignorantia causat voluntarium simpliciter. Idque patet ex definitio ne voluntarii, quod sic describitur: voluntarium s̄ id, quod est à principio interiori cum cognitione: Unde sic illud causatur ex duplo principio, scilicet ex appetitu operante, qui est principia intrinsecum, & ex cognitione dirigente, & voluntati faciem præferente; ita oportet quid oppositum ejus, scilicet involuntarium, caufetur ex oppositis principiis, & provenient vel ex eo quid operatio est à principio extrinseco (ut contingit in his quae ex violentia aut me tu sunt) aut quia tollitur, vel ligatur aut turbatur cognitio, huc sit per ignorantiam & passionem, ut in tractatu de actibus humanis disput. 1. fuit exp̄sum.

26 Major autem, quam Adversarii negant, contendent aliquid posse esse peccatum actuale, absque eo quod sit voluntarium in actu secundo, probatur multipliciter. Primo ex Divo Augustino libro de vera relig. cap. 14. ubi ait: Vnde adeo peccatum voluntarium est, ut nullo modo sit peccatum, si non sit voluntarium. Et hoc ita manifestum est, ut nulla Doctorum paucitas, nulla in doctorum turba dissentiat. Idem repetit lib. 3. de libero arbit. cap. 17. & 18. & lib. 1. retract. cap. 9. ubi ait, quod voluntas est quā peccatur, & recte vivitur. Et lib. de duabus animabus cap. 11. dicit quod nec peccatum, nec recte factum imputari cuiquam iuste potest, qui nihil fecerit PROPRIA VOLUNTATE. Quibus ultimis verbis aperte declarat ad peccatum actuale non sufficere, quod sit voluntarium voluntate capitatis, sicut sufficit ad peccatum originale; sed requiri necessario quod sit voluntarium voluntate propriā illius qui peccat.

27 Secundo probatur ex D. Thoma 1. 2. quest. 74. art. 1. in corp. ubi sic discurrit: Cum proprium sit actuum moralium quod sit voluntarij, sequitur quid voluntas, que est principium actuum voluntariorum, sive bonorum, sive malorum, que sunt peccata, sit principium peccatorum: & ideo sequitur quid peccatum sit in voluntate sicut in subiecto. Ecce resp. ad 2. Si defectus (inquit) apprehensio virtutis nullo modo subjaceret voluntati, non esset peccatum nec in voluntate, nec in apprehensione virtute, SICUT PATER IN HIS QUI HABENT IGNORANTIAM INVINCIBILEM. Et quæst. 76. art. 3. sic corpus articuli concludit: Sist talis ignorantia que omnino sit Tom. III.

A involuntaria, sive quia est ejus quod quis scire non tenetur, talis ignorantia OMNINO EXCUSAT A PECCATO.

Tertiò eadem Major probatur autoritate 228 trium Summorum Pontificum, Pii V. Gregorii XIII. & Urbani VIII. qui damnant hanc propositionem Michaëlis Baii: Ad rationem & definitionem peccati non pertinet voluntarium: subindeque oppositam, nempe istam, Ad rationem & definitionem peccati pertinet ratio voluntarij, ut certam & indubitabilem supponunt.

Quarto eadem Major suadetur ratione quam insinuat Divus Thomas loco primo citato. Peccatum est actus moralis & humanus: Sed de ratione actus moralis & humani est quod sit voluntarius, & deliberatus, ut docet idem S. Doctor 1. 2. quest. 1. art. 1. his verbis: Ille actiones propriæ humana dicuntur, qua ex voluntate deliberata procedunt: si que autem alie actiones homini convenient, possunt dici quidem hominis actiones, sed non propriæ humanae, cum non sint hominis in quantum est homo: Ergo &c.

Confirmatur: Ut actus sit moralis & humanus, debet esse liber; cum libertas sit radix & fundamentum moralitatis, ut docet Divus Thomas in 2. dist. 24. quæst. 3. art. 3. dicens: Ibi incipit genus moris, ubi primo dominum voluntatis inventur: Sed actus non potest esse liber, nisi sit voluntarius; cum ratio voluntarii essentialiter includatur in ratione liberi, sicut gradus superior in inferiori: Ergo actus non potest esse moralis, nec per consequens peccatum, seu malum morale, nisi voluntarius sit.

Denique probari potest conclusio ex variis absurdis & inconvenientibus, quæ sequuntur ex adversa sententia. Si enim probabile falso, quod invincibiliter creditur verum, nunquam à peccato excusat, in primis sequitur peccare cum, qui in concursu seu conflicitu opinionum probabilitum, probabiliorem, immo & probabilissimam eligit: Sed hoc absurdum est, & contra communem Theologorum sententiam, ut fatetur Wendrochius loco supra citato sect. 4. ubi docet ex duabus opinionibus contrariis liceat amplecti magis probabilem: Ergo &c. Sequela Majoris patet: Quia fieri potest ut opinio probabiliior, immo & probabilissima, falsa sit, & a lege aeterna discordans; cum falsa, ut ait Aristoteles in lib. Topicorum, sapere fint probabiliora veris: Ergo si nullum probabile falso, eti si invincibiliter existimetur verum, à peccato excusat, sequitur eum qui in opinionum probabilitum conflitu, probabiliorem, immo & probabilissimam eligit sententiam, non excusari à peccato.

Secundo sequitur Jacob peccasse, cum primò accessit ad Liam, quam invincibiliter putabat esse suam uxorem: tunc enim fecit actum qui absolute & secundum se erat illicitus, & legi divinae contrarius, cum lex divina prohibeat ad non suam accedere. Nec potest aliter excusari Jacob à peccato, nisi dicendo ipsum tunc laboraliter ignorantia invincibilis. Sicut Genes. 20. Abimelech cum uxorem Abraham tulisset, putans esse sororem ejus, excusatur à peccato ratione ignorantiae invincibilis, ut passim interpres doceat, & colligitur ex verbis illis quæ Deo mortem ipsi militanti dixit, Domine num gentem ignorantem & justam interficies? prætendens (ut omnes solent facere ductu & instinctu luminis naturalis) excusandum esse à culpa,

Qq 2

invenit in Bibl.  
other A

## DISSERTATIO THEOLOGICA

culpa, quod ignorans fecisset, & non desinere justum esse eum qui facit aliquid injustum, plaus ignorans esse tale. Quam ejus existimationem confirmavit Deus, ita respondens: Et ego scio quod simplici corde feceris, & id est custodivite, ne peccare in me.

33 Tertius sequitur ex hac sententia, plerumque esse fortunæ, & non voluntatis, quod homines peccent, vel non peccent, prout videlicet id quod agunt est conforme vel disforme iuri naturali invincibiliter ignorato: quod absurdissimum est; cum vera & sola causa peccati voluntas creata, ut operari disformiter ad regulas motum, non vero causus aut fortuna.

34 Denique ex illa sententia sequitur incredibilis conscientia perplexitas, inquit & peccandi hic & nunc in vita his necessitas, quotiescumque aliquis probabiliter & bona fide judicat aliquid sibi agendum esse, neque posse omitti sine peccato, & tamen illud naturali iure illicitum est. Peccabit enim id faciendo, juxta Adversarios, cum juxta ipsos ignorantia invincibilis juris naturalis a peccato non excusat: peccabit etiam non agendo, quia ager contra conscientiam, qua ipsi dicitur hoc esse agendum: peccabit igitur quocumque se vertat, & si hoc faciat, siue non faciat: quod non solum absurdum est, sed etiam à fide penitus alienum. Unde in censura Sorbonæ anno 1560. die 27 Junij data, hæc propositio ut heretica proscriptitur: Homo faciendo quod in se est, peccat, & non potest non peccare faciendo quod in se est. Cui similis est ista damnata à tribus Pontificibus supra nominatis in bulla contra Baium, Homo peccat, etiam damnabiliter, in eo quod necessarium facit.

## § II.

Arcana Janseniane doctrina radix detegitur,  
& extirpatur.

35 CUM rectè dixerit Augustinus: Radicem effondere atque extirpare compendium est, non protest firmus conclusio nostra stabiliri, nec Jansenij & Wendorchij doctrina efficacius confutari, quam ejus radicem extirpando: nam quia ex illa pullulare dicunt & efflorescere, eadem operi sufficidentur.

Jansenius ergo lib. 2. de statu naturæ lapsæ cap. 2. & sequentibus, vulgare istud pronuntiatum, quo Philosophorum & Theologorum Scholæ omnes personant: Ignorantia invincibile excusat à peccato, falsum esse pronuntiat, duplumque ignorantiam invincibilem distinguit, unam juris naturalis, alteram juris positivi; & docet hanc à peccato excusare, non verò illam; quia (inquit) ignorantia juris naturalis à peccato originali profuit, & in Adamo nobis voluntaria fuit (quod ad peccatum actuale sufficere existimat) non verò ignorantia juris positivi. Cujus differentia rationem hanc reddit cap. 6. tanquam radicem arcane hujus doctrinae, quia scientia juris naturalis humanae naturæ conaturalis est, eique debita naturaliter, & illa sufficent omnes praediti in statu innocentia; id estque ejus ignorantia est vitiola, nec potuit nisi in poenam peccati infligi: secus autem cognitio juris positivi, etiam divini; quia quod feratur lex divina positiva, pendet a libera Dei voluntate, & idcirco ejus scientia neque humanae, neque angelicæ naturæ conaturalis est.

A Ignoram fuisse haec tenus tam reconditæ doctrinæ radicem dicit Jansenius, sed falso: eam enim expressè tradit Hieronymus Zanchius partim Lutheri, partim Calvini sectator lib. 1. tract. Theolog. cap. 1. 2. thes. 1. ubi post longam de ignorantia juris naturalis dissertationem, ita concludit. *Summa: Omnis ignorantia eorum que quis se re tenetur peccatum est: quia cum lege, quæ subemur illa cognoscere, pugnat, siue ea cognoscere jam possumus non possumus. Quod enim iam non possumus, peccato Adae, quod tuum est, quia omnes in eo peccaverunt, factum est. Quare falluntur Scholastici, cum tamen ignorantiam, quam invincibiliter vocant, id est a peccato excusant, quia invincibiliter sit ut loquantur. Quanquam evincere possumus, eam non esse simpliciter invincibiliter, cum voluntariorum Adæ peccatum sit consequitur; En arcana hujus doctrinae Scholasticæ haec tenus ignorantia radicem: cui securim adhibeo, & duo præcipua ejus capita sigillatim aggredior.*

Et primò quod ait Jansenius ignorantiam juris naturalis non excusat à peccato, quia originalis peccatum poena est, manuēt latitatis convincitur: *Quia si hæc ratio valerer, sequetur motus concupiscentiae prævenientes confessum voluntatis, inquit & ipsi repugnantes, esse vere & propriè peccata homini impunitias; cum fomes concupiscentiae, seu rebellio appetitus sensitivi, ex peccato originali provenias: Hoc autem repugnat Tridentino sensu. I. cap. 5. dicente: concupiscentiam nocere non posse non consentientibus: & Augustino lib. 2. in Julian. cap. 9. lib. 1. contra duas epist. Pelagian. cap. 1. & lib. decim. cap. 2. ubi sic ait: Illa concupiscentia inobedientia, si absque culpa est in corpore dormienti, quantum magis in corpore non consentientiis.*

Item infidelitas negativa est peccatum; cum illa pariter à peccato originali proveniat, & sit reprobationis effectus, cuius causa est originale peccatum, ut docet Jansenius lib. 10. de gratia Christi cap. 3. Hoc autem falsum & erroreum esse patet: Primo ex Bulla trium Pontificum super nominatorum, contra Baium, in qua damnatur hæc propositio: *Infidelitas pure negativa, in his quibus Christus non est prædictus, peccatum est. Secundo ex Augustino Epist. 10. dicente: in illis qui non audierunt, neque potuerunt, pena peccati est non credere, non autem peccatum. Tertio ex D. Thoma 2. 2. qu. 10. art. 1. ubi expressè docet, quod si infidelitas accipitur secundum negationem puram, sicut in illis, quinque audierunt de fide, non habet rationem peccati, sed magis pena: quia talia ignorantia ex peccato prima parente consecuta est.*

Sequeretur etiam ex eodem Jansenii principio, quicquid male faciunt insani & phreneticis, esse peccatum, & culpabilitatem agere cœcum à nativitate, qui volens v. g. canem abigere, hominem percutit, ignorans invincibiliter eum adesse. Nam phrenesia, insania, & cœcitas corporalis, aliaque generis humani miseria, sunt etiam effectus & poenæ originalis peccati, & ab eo ut rivuli à fonte profluant, huc docet Adversarius lib. 3. de statu naturæ puræ cap. 11. 14. & 15. Hoc autem absurdissima est, & à communis hominum sensu penitus aliena, quis non videat? Unde cum Augustino lib. 1. de peccato meritis cap. 36. similem absurditatem diluente, exclamare possumus: *Dicant ista qui aufuerint, audiant qui voluerint, credant qui potuerint. Vel hæc verba ejusdem S. Doctoris lib. 3. contra Julian. cap. 2. Jansenianis applicare: Mira sunt quæ dicitur, nova sunt quæ dicitur, falsa sunt quæ dicitur.*